

SPORAZUM O SARADNJI

Zaključen između:

1. UNIVERZITET U SARAJEVU, FAKULTETA POLITIČKIH NAUKA, Skenderija 72, kog zastupa **Dekan, Prof. dr. Sead Turčalo**,

i

2. ZAVOD ZA SPECIJALNO OBRAZOVANJE I ODGOJ DJECE „MJEDENICA“, Mjedenica br. 34., kog zastupa **Direktorica Mirsada Čakal**

Član 1.

Ovim Sporazumom se utvrđuju obaveze Fakulteta političkih nauka (u daljem tekstu: Fakultet političkih nauka) i Zavod za specijalno obrazovanje i odgoj djece „Mjedenica“ (u daljem tekstu: Zavod za specijalno obrazovanje i odgoj djece „Mjedenica“), koje se odnose na upućivanje i obavljanje prakse studenata Odsjeka za socijalni rad, kao i obaveze mentora i studenata za vrijeme obavljanja prakse.

Član 2.

Međusobna saradnja između Fakulteta političkih nauka i Zavoda za specijalno obrazovanje i odgoj djece „Mjedenica“ zasnovana je na uzajamnoj saradnji, u cilju što uspješnijeg obavljanja prakse studenata.

Član 3.

U skladu sa Odlukom Vijeća Odsjeka za socijalni rad, studenti druge i treće godine prvog (I) ciklusa studija dužni su da obave praksu u trajanju od deset (10) radnih dana, sa osmočasovnim radnim vremenom.

Član 4.

Za obavljanje prakse studenata Direktor Zavoda za specijalno obrazovanje i odgoj djece „Mjedenica“ ili druga ovlaštena osoba određuje mentora, diplomiranog socijalnog radnika, odnosno socijalnog radnika sa bogatim radnim iskustvom.

Imena mentora prakse, koji će biti u stalnom kontaktu sa Fakultetom političkih nauka, će se usaglasiti između Fakulteta i Zavoda za specijalno obrazovanje i odgoj djece „Mjedenica“.

Član 5.

Sa ciljem praćenja obavljanja prakse studenata, Fakultet političkih nauka je u obavezi da odredi nastavnika/saradnika za stalni kontakt sa Zavodom za specijalno obrazovanje i odgoj djece „Mjedenica“ i mentorom prakse i planirane obilaskе studenata na praksi.

Nastavnik/saradnik, ovlašten od strane Fakulteta političkih nauka, dužan je da se prije početka prakse studenata upozna sa djelatnošću i zadacima Zavoda za specijalno obrazovanje i odgoj djece „Mjedenica“, načinom organizacije rada, Pravilima o kućnom redu Zavoda za specijalno obrazovanje i odgoj djece „Mjedenica“, zadacima i obavezama studenata za vrijeme obavljanja prakse u Zavodu za specijalno obrazovanje i odgoj djece „Mjedenica“, te da o svemu upozna studente prije dolaska na praksu, odnosno da ih pripremi za obavljanje prakse.

Za vrijeme obavljanja prakse studenata Fakulteta političkih nauka u Zavodu za specijalno obrazovanje i odgoj djece „Mjedenica“, nastavnik/saradnik Fakulteta, mentor prakse i stručno osoblje Zavoda za specijalno obrazovanje i odgoj djece „Mjedenica“ i Fakulteta političkih nauka dužni su da međusobno saraduju.

Član 6.

Mentor prakse je dužan da bliže upozna studenta sa načinom organizacije rada Zavoda za specijalno obrazovanje i odgoj djece „Mjedenica“, normativnim aktima i zadacima koje obavlja socijalni radnik u Zavodu za specijalno obrazovanje i odgoj djece „Mjedenica“.

Mentor prakse je obavezan da studentu u skladu sa njegovim interesima obezbijedi kontakte sa drugim subjektima i uvid u dokumentaciju.

Mentor prakse je dužan da saraduje sa nastavnicima i saradnicima Fakulteta političkih nauka, da ih obavještava o radu studenata na praksi i eventualnim problemima sa kojima se student ili mentor suočavaju.

Član 7.

Obaveza studenata je da se za vrijeme obavljanja prakse pridržavaju odredaba Pravila o kućnom redu Zavoda za specijalno obrazovanje i odgoj djece „Mjedenica“, da poštuju ličnost korisnika usluga i njihovu privatnost, da sa ličnim podacima koje saznaju i prikupe u toku obavljanja prakse postupaju u skladu sa Zakonom o zaštiti ličnih podataka, da čuvaju tajnost dokumenata i podataka koji predstavljaju službenu, poslovnu ili profesionalnu tajnu, te da u svemu postupaju u skladu sa zahtjevima i uputama mentora prakse.

Student je za vrijeme prakse dužan da se upozna sa osnovnim metodskim postupcima u socijalnom radu:

- vođenje prijemnog intervjua,
- socijalno dijagnosticanje, evaluacija, prognoza,
- stručna obrada slučaja (socijalna anamneza),
- određivanje socijalne terapije i cjelokupni tretman klijenta,
- vođenje administracije i dr.

Član 8.

U skladu sa Nastavnim planom i programom Fakulteta političkih nauka, student je dužan:

- provesti određen broj dana i sati na praksi,
- sačiniti dnevnik o svom radu koji mora da bude potpisan i ovjeren od strane mentora,
- sačiniti dvije socijalne anamneze,
- postupiti u skladu sa zahtjevima mentora, te da zajedno sa mentorom na kraju prakse urade evaluaciju i daju prijedloge za unaprijeđenje prakse,
- u roku od 15 dana po završetku prakse sačiniti i izvještaj i dostaviti ga na ocjenu nastavniku/saradniku Fakulteta.

Član 9.

Nakon potpisivanja Sporazuma, ukoliko to bude potrebno, zakazat će se sastanak na kojem će se sačiniti zajednički plan aktivnosti.

Član 10.

Ovaj Sporazum o saradnji će biti otvoren za izmjene, uz uzajamnu saglasnost i na osnovu zahtjeva neposrednih nosilaca obaveza utvrđenih u Sporazumu.

Fakultet političkih nauka UNSA može raskinuti ovaj Sporazum u roku od osam (8) dana u slijedećim slučajevima:

- ako utvrdi da ne postoje objektivne pretpostavke za uspješno izvođenje terenske nastave,
- ako utvrdi da strana potpisnica - partner ne postupa sukladno ugovorenim odredbama.

Član 11.



Sporazum stupa na snagu nakon obostranog potpisivanja, a primjenjivat će se u akademskoj 2020/2021. godini.

Član 12.

Ovaj Sporazum je sačinjen u 4 (četiri) istovjetna primjerka, od kojih svaka strana zadržava po 2(dva) primjerka.

DIREKTOR

Mirsada Čakal

DEKAN

Prof. dr. Sead Turčalo


Broj: 01-3-2084-14/20

Sarajevo, 09.10.2020. godine